

美麗華集團升級時裝比賽 潮推永續時尚

可持續發展同時尚嘅關係往往處於又愛又恨嘅狀態，要去平衡並做到兩者兼得，係大部分企業履行社會責任時要思考嘅部分。最近就收到美麗華集團嘅新聞稿，集團去年10月踏入65周年就創辦咗「Mi Go Green」綠色平台，希望將可持續發展及環保意識融入旗下各業務之中。最近仲首度夥拍香港理工大學時裝及紡織學院、人工智能設計研究所 (AiDLab) 以及 Redress 舉辦「Fashion the Future 升級再造時裝設計比賽」。參加者將由環保慈善機構 Redress 回收得來嘅二手衣物或紡織廢料進行升級再造，並配合現時AI大趨勢，運用人工智能時裝設計助理 (AiDA) 增強製作時裝嘅效率，將創意時尚結合科技及環保，令服裝達至永續生命。

我Monnie成日都話
呢個世界想變得愈嚟愈
好，就要嚟扶持年輕一



Monnie



▲「Fashion the Future升級再造時裝設計比賽」時裝展覽於Mira Place舉行。

代可以做得更多。喺7月中旬，10位年青入圍嘅參賽者將佢哋嘅升級再造時裝喺 Mira Place 做咗場時裝匯演，展示畀公眾睇，只要有工藝同創意，舊物都可以被重新演繹，有興趣嘅朋友可以由即日起至31日到商場欣賞吓呢20套比賽入圍作品時裝展覽，進一步了解綠色時尚。



◀參賽者從Redress收集得來嘅二手衣物或紡織廢料揀選適合嘅素材進行升級再造時裝。

今日話題